

# ENSEÑANZA NA BRAZIL

Konta di e kongreso di C.B.B. existencia 5 año.

Relata dor di Jerry Gomes.

Awendia Brazil tin dos skol basiko, esta Michael School i Colegio Cristo Rey; un skol pa muchanan ku no por siña bon, esta un B.B.O school ku ta hiba e nomber di Caiquetio, dos skol pa enseñanza avanza esta un Huishoudschool, Vormingscollege Providencia i un L.T.S, ku ta hiba e nomber di Martin Luther King School.

Na año '67 Señor Jerry Gomez a wordu renombra na un skol ku e no sa nada di dje solamente e tabata sa ku Michael School ta un Jongenschool i Cristus Koning School, kwual skol su nomber ta Colegio Cristo Rey, ku ta un meisjesschool.

Un di e prome problema ku señor Gomez kier a resolve ta pa konvenise e cabesante di Christus Koning School pa tuma mucha muher i mucha homber huntuna e skolnan basiko di Brazil. Na 1973 mucha muher i mucha homber a ser tuma na ambos skol i a kuminsa ku klas 1-2-3 i despues kada anja ku klas 1.

Te ainda tin hende ku ta yama Christus Koning School, school di mucha muhe i Michael School school di mucha homber.

## KI ROL E SKOLNAN TA HUNGA DEN COMUNIDAD DI BRAZIL?

Michael School tabata:

- pa anjas largo lugar di reunion di C.B.B.
- for di anja '71 sala pa tennis di mesa.

- lugar di tene reunion, por ehempel reunionnan di bond di deporte.
- lugar pa train, pa train komedia i pa duna kursonan. Christus Koning School su gymzaal ta wordu usa pa:
  - trainmento di volley team.
  - fiestanan i bakesale pa fundraising.
  - anochinan pa film pa mucha. Un lokaal di e skol delaster mensiona ta wordu usa door di Credit Union.

## KIKO TA IMPORTANTE PA UN SKOL FUNCIONA BON?

1. Un bon team di maestro i maestranan (trahamentu huntu).
2. Maestro y maestranan ku ta bon motiva.
3. Mayornan ku ta respalda e trabao di maestronan.
4. Traha segun plan.
5. Duna balor na expresievakken, pa asina e muchanan haña un desarjo optimo. Lastima tin hopi maestro no ta buta basta atenshon na e vaknan aki. Ora di selekta e muchanan di zesde klas pa sierto skol ta taal i rekenen so ta konta.
6. Maestronan huntu ku mayornan ehecuta programanan deportivo, cultural despues di ora di skol.

Nivel di skolnan na Brazil ta regular.

Masha poko mucha ta logra bai enseñanza mas haltu despues di zesde klas. 10 por ciento H.A.V.O y mas o menos 30 por ciento ta

bai M.A.V.O i mas ku mitar na skolnan di enseñanza menos haltu, ku no ta duna hopi perspectiva pa sigui studia.

Kiko ta e motibonan:

- Lenga: muchanan ku ta papia hulandes na kas tin un bentaha grandi riba esunnan ku no ta papia hulandes na kas.
- Poko estimulo pa parti di kas; no lesa hopi, no krea ambiente pa studia les, no yuda ku huiswerk, drumi laat.
- E manera ku enseñanza ta wordu duna no ta hopi konkretisa.

Tin tanto kos ku un mucha chikito no por kompronde pa motibo di su edad, cultura stranjo, lenga stranjo.

Si un mucha tin un bon memoria hopi biaha e ta skor punta haltu, pero di e contenido e no sa hopi. Y esaki ta hopi tristo.

Por ehempel muchanan di 10-11 año mester siña masha hopi mes tokante historia di Hulanda pero kasi nada di historia di nan lugar. Masha poko nan ta siña di nan mes situashon.

## ALGUN REMARKA KU SR. GOMES TA HAÑA DI GRAN IMPORTANSIA PA FUTURO ENSEÑANZA NA BRAZIL

1. Reunion di maestronan di ambos skol pa delibera riba kada meta di kada vak, p.e. kiko nos kiermeen ku historia. Djies duna kiko ta para den buki of nos kier algo otro.

(Cont. riba pag. 5)





(Cont. di pag. 3)

2. Duna balor na Comishon di Mayornan. No solamente riba tereno di fundraising, pero tambe den organisashonnan di songfestivals, buitendagen, tripnan na sierto fabrikanan, zangkoor di skol, gruponan ku ta bin bek pa siña les na skol, sportdagen, filmavonden.
3. Duna gran balor na vaknan di expresse.
  - muziek
  - handenarbeid y handwerken
  - tekenen.

Menos atenshon ta wordu presta na e vaknan ariba menshona i e vaknan Hulandes i rekenen ta wordu cualifika komo mas importante.

Finalmente ningun maestra of maestro mester tin den su pensamiento ku aki na Brazil ta trata di un "kunukuschooltje".

Nos no tin mester di traha duro, pasobra toch ta muchanan di distrito di Brazil. Mentaliteit di e otro persona, cu no a cai den e di hasi tur boso esfuerzo pa trese e muchanan di Brazil mas leeuw cu ta posibel, sin ningun forma di diskriminashon.

Jerry Gomes.

## CONCURSO PA LITERATURA

Un comision bou di e nomber "Comision Cuenta" a ser funda cu e meta principal pa motiva y stimula nos mes hendenan pa skirbi cuenta na Papiamentu pa nos muchanan. E comision aki ta organiza un concurso di skirbimento di storia pa mucha na Papiamentu. E storianan premia y algun otro cuenta cu tambe aparticipa den e concurso lo ser publica den forma di un buki.

Nos ta selecta e cuentanan den 3 categoria y esaki segun edad:

1. edad di 4 — 6 aña
2. edad di 7 — 9 aña
3. edad di 10 — 12 aña


Den cada categoria nos ta distingui storianan skirbi door di:

1. muchanan di school basico.
2. muchanan di school avanza
3. adulto.

Pa cada categoria tin 3 premio. En total lo tin 27 premio disponibel.

E exigencianan pa skirbimento di e storia ta:

- e cantidad di palabra mester ta minimo/no menos cu 500 y maximo no mas cu 1000;



- e cuenta mester ta original y skirbi na Papiamentu;
- e ambiente mester ta mas lokal posibel;
- storianan traduci for di cualkier otro idioma no ta participa;
- un persona por manda mas cu un cuenta, pero solamente un di su storianan por haya premio.